

1.8. Erantzutegiaren ezaugarriak

1.8.1. Erantzutegiaren egitura

Erantzunak inesta lekuaren arabera zerrendatuak dira, eta inesta lekuak berak, herrialdeka. Beti modu berean. Inesta leku bat ez bada agertzen zerrendan, horrek esan nahi du galdera horretan erantzunik ez dela jaso herri horretan.

Herrialdeen ordena, bai eta haien barneko inesta lekuena ere, mendebaldetik ekiaderra doan segida bati jarraikitzetan zaizkio. Horrela, lehenik Bizkaiko herriak agertzen dira, eta haietan, lehenbizikorik, *Getxo, Leioa, Zollo...* Azkenik Zuberoako inesta lekuak aurkitzen dira ekiadearan urrunenik daudenak agertzen direlarik bukaeran: *Ürrusto, Barkoxe, Eskiula*.

1.8.2. Erantzun motak

Bi erantzun mota aurki daitezke erantzutegian: **zuzeneko erantzunak** lehenik, eta **erantzun proposatuak** bestetik. Azken hauek, berri emaileak ez ditu berak eman lehen aldian, baina proposatu izan zaizkiorik onartu ditu, eta herrikotzat jo. Erantzuna agertzen da berri emaileak berak eman duen forman.

Bigarren mota horretako erantzunak letra etzanetan eta aurrean izarñoa dutela agertzen dira erantzutegietan. Adibidez, 27010 galderan, Ahetzen, bi erantzun jaso dira: [eRí] eta [*íRð]. Lehena zuzeneko erantzuna izan da, eta bigarrena, aldiz, erantzun proposatua.

1.8.3. Erantzunen forma

Erantzunak ortografia fonetikoan agertzen dira (ikus taula fonetikoa XXIII. orrialdean) eta ahalaz hizka emanak dira; esapide berezietaez ez bada, ez da esaldirik agertzen erantzunen zerrendetan.

Hitzak beren osoan utzi dira aldakuntzarik egin gabe. Hitz mugagabean bildu denean, forma hari eman zaio lehentasuna erantzutegian; bestela, hitza bere harthan utzi da, artikuluarekin edo kasu marka batekin agertzen zelarik adibidez. Horrelakoetan forma markatua zela adierazteko, eta ez lexema hutsa, (*mark.*) erantsi da parentesien artean erantzunaren gibelean. Iker bera erabili da aditzekin, partizipio buruaren forma bildu ez denean. Adibidez, 27010 galderan, Domintxaine herrian, [uñdé] erantzunaz gain, [borðákwa] (*mark.*) erantzuna ere agertzen da, erantzun hau bee aldaera mugatuan bildu delako.

Erantzun gisa jaso dira azentuaz kanpo zerbait aldakuntza zuten forma guztiak. Adibidez, berri emaileak bi erantzun eman dituelarik, forma batean sabaikari bat sartuz, eta besteak ez, bi erantzunak bildu dira.

Kontuan har bedi, forma batek, markatua izanik edo ez, testuinguruaren arabera itxura desberdinak izan ditzakeela. Adibidez, lexema bateko hastapeneko leherkari ahostuna frikari bihur daiteke bokal baten ondotik, edo hastapeneko herskari ahostuna ahoskabe bihur daiteke herskari edo frikari ahosgabe baten ondoren (beñet - βeñet, adibidez 27030 galderari dagokion mapan ikus daitekeenez). Ohar honek azentu kontuentzat ere balio izan dezake; izan ere, erantzutegian agertzen den erantzuna testuinguru batean emana izan da, eta testuinguru horrek eragin izan dezake azentuan.

Bestalde, erantzunaren aldaera bat baino gehiago bildu izan denean, bildu diren guztiak ezarri dira erantzutegian, azentu desberdintasuna salbu. Horrela, irakurleak 27010 galderan, adibidez, Lasarte-Orian erantzunaren bi aldaera elkarren ondoan kausituko ditu: [šeñí] eta [tšeñí], lehena frikari eta bigarrena afrikatua delarik. Bestelakorik ere bildu da, hala nola hitz beraren hiru aldaera bildu dira Eskiulan [jeñíama], [jeñháma] eta [jerhiamá] 27020 galderan.